



Iesus Maria cum Beato Francisco.

RESPONSVM IVRIS
PRO
EXCELLENTISSIMIS
Duceſ & Ducissa de Ixar.

Contra

Excellentissimum Almiratum Castellæ
in causa ſuſpitionum.



Oſt cōcluſū
in cauſa Co-
mitatus Oſo-
næ, & Viceco-
mitatum Ca-
prariæ, & de
Baflo, quam Excellentissimi
Dux & Ducissa de Ixar con-
tra Excellentissimos Almira-
tum Castellæ, Marchionē Ay-
tonæ & alios perſequuntur in
Regio Senatu ad Relationem
dignissimi Senatoris domini
Ludouici Besturs Procurator
Almirati ſupplicauit à proui-
ſione denūciationis proceſſus
ſeu cōclusionis in cauſa ad Re-
lationem magnifici Michaelis

Angeli Llorens Regij Sena-
toris & ad protelandum cau-
ſe decisionem recuſauit vti
ſuſpectū magnificū Raymun-
dū Rubi de Mar y Mon Re-
gium Senatorē doctiſſimū,
obid quod magnific' Raphael
Rubi & Coll illius pater Ad-
uocat' fecerit dicti Marchio-
nis in cauſa quam contra illū
agitauit Almiratus ad Rela-
tionem magnifici Michaelis
Angeli Llorens Regij Sena-
toris & antea ad Relationem
magnifici Hieronymi Seniſt
quam ſimilem & connexā eſſe
contendit Procurator Almi-
rati cauſe vertenti ad Rela-
tionem

tionē magnifici Ludouici Besturs cum in ea etiam agatur de eisdem Comitatu, & Vice-comitatibus obidq; connexio-nē habeāt ac vna & eadē cau-sa censeātur cū cōnexa vnum & indiuiduū dicātur, vt optimē tradit *Scac.de appella.q.17. limit.11. sub nu.25. Surd. decis. 199.n.13.* & connexorū idem sit iudicium, *l.3.§.iudicio con-trario, ff.de contra. actio. tutelæ, Barbosa in locis cōm.lit.C.n.39.* siccq; dictum magnificū Ray-mundum Rubi de Mar y Mon in cognitione & decisione di-ctæ causæ vertentis ad Rela-

tionē magnifici Michaelis An-geli Llorens, & in causa verté-ti ad Relationē magnifici Lu-douici Besturs interuenire nō posse cū generalibus Catha-loniæ constitutionibus 4. & 8. tit. de Recusatione omniū iu-di. Dispositum sit quod filius nō possit esse Relator, nec in-teruenire in cognitione, & decisione causarum in quibus pater est Aduocatus.

Dubitatur nunc in causa suspcionum per Procuratōrē Almirati propositarum con-tra dictum magnificum Ray-mundum Rubi de Mar y Mon.

Primo, Vtrum Almirato competat ius recusandi dictū magnificum Raymundum Rubi ob allegatam suspi-tionem ex persona patris sui Aduocati Marchionis Aytonæ in illa causa.

Secundo, Vtrum dictus magnificus Raymundns Rubi de Mar y Mon uti suspectus per Almiratum recu-sari possit iuxta constitutiones Cathaloniae 4. et 8. tit. de recusatione omni. iudi. vel aliam iuris canonici ciuilis & Romanorū dispositionem ex eo quod pa-ter dicti magnifici Raymundi Rubi Aduocatus fue-rit dicti Marchionis in illa causa.

Tertio, Deniq; utrū causa qua dicitur ad relationē ma-gnifici Ludouici Besturs contra dictos Excellentiss. Almiratū & Marchionem sit eadem causa cum ea qua vertitur ad relationē magnifici Michaelis Llo-rens inter dictum Almiratum & Marchionem vel dictæ causæ sit connexa vel ab ea dependens.

Ad

3
AD primum itaque dicē-
dū est Almirato nō cōpe-
tere ius recusandi dictum ma-
gnificum Raymundum Rubi
ex allegata suspitione , quo-
niam Excellētissima pars hæc
Ducis & Ducissæ de Ixar pe-
tit ad Relationem magnifici
Ludouici Besturs, quod hære-
ditas , & bona fideicommissi
don Bernardi de Capraria se-
nioris ex fideicommisso appo-
sito in testamento illius sibi
adiudicentur repulso Almira-
to à successione fideicommissi ,
& Marchio Aytonæ , & alij bo-
norum fideicommissi posse-
fores condemnentur ad resti-
tuendū huic Excellentissimæ
parti dictū Comitatum Oso-
næ , & Vicecomitatus Capra-
riæ & de Basso , quæ quidem
bona cum à præcessoribus di-
cti Marchionis acquisita fue-
rint titulo emptionis factæ à
præcessoribus dicti Almirati ,
& in ius illorum dictus Mar-
chio successerit sequitur eui-
denter, quod ius dictis Almi-
rati & Marchionis in hac cau-
sa deductum indiuiduum est
cum sit vnum , & idem : nam
cum in venditione dictorum
Comitatus , & Vicecomitatuū
cessio iurium facta sit auto-
rib⁹ dicti Marchionis per præ-
cessores dicti Almirati , &

per cessionem factam in trāf-
lata sint in emptores ea iura
quæ venditores habebant in
dictis bonis , l. 1. & 2. C. de
actio. & obliga. l. emptor , C. de
hæredita. vel actio. Vendit. Cal-
das Pereyra de emptio. & ven-
ditio. cap. 24. nu. 12. & vtatur
emptor accessione vñditoris,
l. de accessionibus 14. ff. de di-
uers. & temporalibus præscrip.
quemadmodum etiam trāfla-
tum fuisset dominiū per tra-
ditionem si venditor fuisset
dominus l. traditionibus C. de
pac. §. per traditionem insti. de
rer. diuīsio. Bart. in l. si sub vna
§. fin. ff. de seruitut. Gomez. var.
lib. 2. cap. 15. num. 21. sequitur
dicendum quod ius dicti Mar-
chionis & ius dicti Almirati
est vnum , & idem. At in illa
causa vertenti ad Relationem
magnifici Michaelis Angeli
Llorens , & anteà ad Relatio-
nē magnifici Hieronymi Sen-
just folū disceptatur inter di-
ctos Almiratum , & Marchio-
nem de validitate, aut inuali-
ditate emptionis dictorū Co-
mitatus & Vicecomitatuū fa-
ctæ præcessoribus dicti Mar-
chionis per præcessores dicti
Almirati qui in dicta causa so-
litum cōtendit alienationes di-
ctorum bonorum fuisse factas
in præiudicium illius contra

4

prohibitionē alienationis ap-
positam per Nobilem Annam
de Capraria in suo testamēto.

Igitur quamuis in illa cau-
sa prætensæ nullitatis & reci-
sionis alienationū dictorū Co-
mitat⁹ & Vicecomitatū mag-
nificus Raphael Rubi, & Coll
Aduocatus fuerit dicti Mar-
chionis, & pro validitate alie-
nationū illi patrocinium præ-
stiterit, non ex eo competit
dicto Almirato ius recusandi
magnificum Raymundū Ru-
bi vti suspectū in causa sup-
plicationis interpositæ per Al-
miratum ad Relationem ma-
gnifici Michaelis Angeli Llo-
rens à prouisione denuncia-
tionis processus factæ ad Re-
lationem magnifici Ludouici
Besturs, vel in causa vertenti
ad Relationem magnifici Lu-
douici Besturs inter hanc Ex-
cellentissimam partem Du-
cis & Ducissæ de Ixar, & di-
ctos Excellētissimos Almira-
tum & Marchionem, super iu-
re diuerso ab eo de quo in illa
causa agebatur pro quo po-
stulatum non fuit cum Excel-
lentissima pars hæc in illa cau-
sa non fuerit nec iura sua in
illa deduxerit, Idcirco cum
ius dictorum Almirati & Mar-
chionis ad effectum excipien-
di contra Excellentissimam

partem hāc sit vnum, & idem,
sequitur quod non competit
dicto Almirato prætēsum ius
recusandi dictum magnificum
Raymūdum Rubi cum Iudex
recusari ab eo tantum possit
contra quem in eadem causa
est vel fuit Aduocatus non ab
illo pro quo postulat, seu po-
stulauit quamuis secreta cau-
sa ei propalauerit, vt optimè
tradit *Mari. Giurba decis. 99.*
num. 15. vbi hanc esse inquit
veriorem, & magis commu-
nem iuris & doctorum sen-
tentiam iuxta quam in Sena-
tu Siciliæ decisum fuisse te-
statur, *Stephan. Gratia. discep.*
foren.lib. 1. discep. 4. nu. 6. Car-
pan.ad stat. Mediola. 61. nu. 2.
tom. 1.

Præterea non potest procu-
rator absque speciali, & ex-
presso mandato Iudicem re-
cusare, *l. non solum 39. §. fin. ff.*
de procura. & not. Bar. in l. si
procurator, ff. de condic. indebiti
Rolan. conf. 19. vol. 3. Papon.
lib. 7. tit. 8. de recusatio. Iudicum
Arresto. 1. Ergo non potuit
Procurator Almirati sine ex-
presso & speciali mandato,
quod non habet magnificum
Raymundum Rubi recusa-
re. Præsertim cum Iudex post
conclusum in causa vt suspe-
ctus non recusetur *Viuus de-*
cis.

cif. 363. nu. 8. vbi alios allegat.
 Aut saltim non recusetur ex
 causa quæ de nouo nō super-
 uenit, vt in nostro casu in quo
 solum proposita fuit recusatio
 ad protelandum causæ deci-
 sionem solent enim huiusmo-
 di recusationes fieri potius ad
 protelandum causas quam ad
 alium finem, vt inquit *Don*
Frācis. del Castil. decis. 75. n. 5.

Ad secundū dubiū dicen-
 dum est dictum magnificum
 Raymūdum Rubi iuxta Con-
 stitutionem Cathaloniæ 4. &
 8. tit. de recusa. omni. iudi. aut
 alias iuris canonici & ciuilis
 Romanorū dispositionem re-
 cusari non posse per procura-
 torem Almirati, nec suspe-
 ctum reddi ex eo quod pater
 dicti magnifici Raymundi Ru-
 bi Aduocatus fuerit Marchio-
 nis Aytonæ in illa causa.

Quia Constitutio 4. tit. de
 recu. omni. iudi. solum disponit
 quod filius non possit esse Rel-
 ator in illis causis in quibus
 pater est Aduocatus.

At magnificus Raymundus
 Rubi nō est Relator in ea cau-
 sa vertenti ad relationem ma-
 gniſici Michaelis Angeli Llo-
 rents in qua illius pater fuit
 Aduocatus dicti Marchionis,
 nec in causa vertenti ad rela-
 tionē magnifici Ludouici Be-

sturs, igitur non potest uti sus-
 pectus recusari, nec prohibe-
 tur in cognitione, & decisione
 dictæ causæ interuenire cum
 Relator non sit qui facilis re-
 cusari potest quam alij Iudi-
 ces, vt optimè tradit *Maynar-
 dus decis. 90. lib. 1.*

Nam dicta Constitutio 4.
 solum prohibet quod filius
 non sit Relator in eisdem cau-
 sis in quibus pater est Aduo-
 catus, ergo vt filius Iudex re-
 cusari possit requiritur quod
 pater sit Aduocatus in eadem
 causa in qua filius est Iudex, vt
 declarant verba Constitutio-
 nis, ibi, *en les causes en las quals*
*los fills o gendres seran Aduo-
 catus, lo pare o sogre dels tals no
 puga eſſer Relator en aquellas,*
ni per lo contrari.

Causa autem in qua magni-
 ficus Raphael Rubi fuit Ad-
 uocatus Marchionis Aytonæ
 est longè diuersa ab ea quæ
 vertitur ad relationē magni-
 fici Ludouici Besturs in cuius
 cognitione, & decisione ma-
 gnicus Raymundus Rubi in-
 teruenire debet, & non est ea-
 dem causa cum illa, nec illi
 connexa seu ab illa depēdens,
 vt infra probabitur, ergo non
 obstat dicta Constitutio 4. tit.
 de recusa. omni. iudi.

Et const. 8. tit. de recusat. om-

*ni. Iud. solum in hoc disponit quod filius non possit interuenire in cognitione & decisione causæ in qua pater est Aduocatus quia fieri posset, quod secreto pater cōsuleret in causa in qua filius est Iudex, ut expressè verba dictæ constitutionis disponunt, ibi, *alguns Doctors del Real Concell &c. no pugan eſſer Relador, o Reladors, ni entreuenir en votar en les causes que lo pare, o fill, sogre, o gendre, o cunyat serà Aduocat, o seran Aduocats, è perq poria eſſer que en secret aduocaffen, o aconsellaffen &c.**

Quibus quidē verbis clarè probatur, quod adhoc ut fili⁹ interuenire non possit in cognitione & decisione causæ requiritur quod pater Aduocati officio functus fuerit in eadem causa in qua filius est Iudex, quod quidē facto nostro non adaptatur cum ea causa in cuius cognitione & decisione magnificus Raymundus Rubi interuenire debet sit longè diuersa & separata ab illa in qua pater illius fuit Aduocatus Marchionis, ut suprà ostensum fuit.

Nam ratio propter quam dicta const. 8. prohibet quod filius interuenire non possit in cognitione & decisione cau-

sæ, in qua pater est Aduocatus traditur in eadē constitutio-ne, quia fieri posset, quod se-creto pater cōsuleret in causa in qua filius est Iudex ut dis-ponit dicta constitutio, ibi, è perque podria eſſer que en se-cret aduocaffen, o aconsellaffen, quæ quidem ratio cum in di-cta constitutione scripta sit dispositio illius ad illam re-stringi & regulari debet, quia dispositiones & statuta restrin-guntur & regulantur secundā rationem scriptam l. adigere §. quamvis de iure patronatus, Al-deran. Mascar. de interpreta. statutor conclu. 2. nu. 121. Socin. conf. 89. num. 19. lib. 4.

Hæc autem ratio in qua dicta constitutio fundatur de-ficit in nostro casu in quo cer-tum & notorium est magnifi-cum Raphaelem Rubi Aduo-catum dicti Marchionis mor-tuum esse antequam magnifi-cus Raymundus Rubi illius filius eſſet Regius Senator, & sic cessat ratio constitutionis, & consequenter cessat dicta constitutio seu illius disposi-tio l. adigere §. quamvis de iure patrona. l. cum te C. de pac. inter emptorem & venditorem cap. cum cessante de appellatio. Tiraquel. in tract. cessante causa num. 11. & 18. Don Joseph. Sesse decis.

185.

185. Rota Roma. apud Farina.
decis. 437. num. 3. tom. 1. Barbo.
in suis iuris Principis & locis cō-
muni bus littera C. num. 11. vbi
inquit hanc sententiam pro-
cedere etiā vbi causa expres-
sa est in lege vel statuto.

Igitur dicēdū est quod per
dictam const. 8. non prohibe-
tur dictus magnificus Raymū
dus Rubi in cognitione &
decisione dictæ causæ interue-
nire etiā si in illa diuersa cau-
sa pater illius pro dicto Mar-
chione postulauerit cum di-
ctus Aduocatus iamdiu vita
functus sit.

Præterea nulla iuris cano-
nici, aut ciuilis Romanorum
dispositione prohibetur filius
quod Iudex esse non possit
in ea causa in qua illius pater
Aduocati officio functus fuit
nec filius recusari potest quā-
uis eius pater in eadem causa
Aduocatus fuerit, vt latissimè
probat Carol. de Graffis de ex-
ceptionibus except. 24. num. 112.
vbi inquit hanc esse veriorem
& magis communem senten-
tiam, iuxta quam cōsuluit Al-
banus conf. 92. Robert. Maran-
ta de ordine iudiciorum 6. par.
actu 2. de appella. nu. 55. vbi in-
quit hoc dictum esse annota-
tione dignum, quia prima fa-
cie quis diceret contrarium,

idem tenet Maynar. decis. 91.
lib. 1. dicens Iudicem cuius fi-
lius in causa patrocinii præ-
stat recusari non posse nisi in
eisdem edibus cū patre com-
moretur idem tenet Paponius
Arresto. 10. de recusatio. iudicium
lib. 7. tit. 9. dicens, quod recu-
sans, recusationes suas ex per-
sona procuratoris, seu solici-
tatoris deducere non potest,
per tex. in l. qui cum natu maior
§. si patroni, ff. de oper. liberto.

Et vbi recusatio depromi-
tur ex persona Aduocati, vt
recusatio admittatur, & pro iu-
sta habeatur requiritur, quod
idē Iudex Aduocatus sit par-
tis aduersæ, cap. postremo cum
ibi notatis de appellatio. l. prætor,
ff. de iuris d. omni. iudi. l. quisquis
C. de postulan. Carol. de Gras.
de exceptionib. except. 24. n. 106.

Igitur si de iure canonico
& ciuali Romanorum ad hoc
vt Iudex recusari possit ex
persona Aduocati requiritur
quod in eadē causa, & in co-
dē negocio Aduocati officio
functus fuerit, & recusari non
potest filius Iudex in causa in
qua pater est Aduocatus affir-
mandū proculdubio est mag-
nificum Raymundū Rubi re-
cusari non posse ex eo quod
illius pater Aduocatus fuerit
in illa diuersa causa.

8

Ad tertium denique dubiū dicitur quod illa causa in qua dict^o magnific^o Raphael Rubi fuit Aduocatus Marchionis Aytonæ non est eadem, cum ea, in cuius cognitione & decisione magnificus Raymundus Rubi eius filius interuenire debet; nec est illi annexa seu connexa, vel ab illa depēdens; sed diuersa prorsus & separata ab illa.

Et quod eadem causa non sit, & eadem causa dici non possit probatur ex vera iuris & doctorū sententia quæ habet, quod identitas causæ ex tribus cognoscitur ex eadem scilicet personarum conditione, ex eadem rei petitione, & ex eadem causa petendi; ut probat tex. in l. cum queritur, cum duabus legibus sequentibus ff. de excepc. rei iudi. & cap. fin. de exceptionibus, & not. glo. in c. de aduersario de excepc. Bart. in l. & an eadem, §. qui cum partem ff. de excepc. rei iudica. Surd. conf. 312. n. 1. R. ot. Roma. apud Aemilium Veral. decif. 93. par. 3.

Requiritur enim ut eadem causa dici possit, & identitas causæ adsit. Primò quod idē petatur. Secundò, quod eadē sit cōditio personarū. Tertiò, quod sit eadē causa petendi.

Quartò, quod idem in utroq; iudicio petatur, & ad eundē finem Bart. in l. sāpē num. 3. ff. de re iudi. Vincen. Handed. conf. 30. nu. 50. tom. 1. Sed hæc nō cōcurrunt in nostro casu etenim in illa causa agit Almiratus in causa verò quæ vertitur ad relationem magnifici Luidouici Besturs agit Excellētissima pars hæc Ducis & Dūcissæ de Ixar, & sic adeſt diuerſitas personarum.

Et quamuis in dictis causis agatur de eisdem Comitatu & Vicecomitatibus, tamen quia diuersæ sunt personæ, & diuersum ius, ac diuersa causa agendi, & agitur ad diuersum finem nō adeſt identitas causæ: nam ad probandum identitatem causæ hæc copulatiū requirūtur quorum uno deficiēt corrupta identitas, & corrupta exceptio quæ in idētitate fūdatur causæ, scilicet personarū, rerū & finis agendi iuxta l. cum queritur cum duabus seqq. de excepc. rei iudicata, & ea quæ tradit Surd. in conf. 312. num. 1. tom. 3. Rota Roma. apud Veral. decif. 93. par. 3. & Panorm. conf. 50. num. 2. vol. 1. Honde. conf. 30. num. 5. tom. 1.

Nec concurrit qualitas iuris & causæ petendi quæ ad probandam causæ identitatē requi-

9

requiritur, quia in illa causa vertenti ad relationē Michaelis Angeli Lloren̄ agitur inter dictas Excellentissimas partes Admirati, scilicet & Marchionis de validitate, aut invaliditate alienationū dictorum bonorum factarum per præcessores dicti Admirati contra prohibitionem alienationis factam per Nobilem dominam Annā de Capraria in suo testamento, & sic agitur in illa causa ex testamēto dictę Nobilis Annę petitione particulari, & in causa supplicationis per procuratorem dicti Admirati interpositę ad relationē dicti magnifici Michaelis Angeli Lloren̄ in cuius cognitione & decisione dictus magnificus Raymundus Rubi interuenire debet agitur solum de confirmando vel infirmāda prouisione denūciatioonis processus facta ad relationē magnifici Ludouici Besturs. In causa autem vertenti ad relationē magnifici Ludouici Besturs in cuius cognitione, & decisione magnificus Raymūndus Rubi interuenire debet agit Excellentissima pars hæc Ducas & Ducissæ de Ixar vniuersali hæreditatis petitio ne, vt sibi adiudicentur bona don Bernardi de Capraria se-

nioris ex fideicommissio apposito in testamēto illius excluso Admirato, à successione fideicommissi, & condemnentur Marchio Aytonae, & reliqui possessores ad restitutio nem bonorum fideicommissi; igitur diuersum est ius dictarū partium, & diuersa causa agēdi cum diuersis actionibus, & ad diuersum finem agatur in dictis causis, vbi autem diuerso iure agitur non censetur adesse identitas causæ, sed diuersitas, vt latissimè probat *Claudius Bartazol.* in addi. ad conf. Barth. Bartazol. 551.nu.2. & diuersitas causarum diuersitatē specierū inducit l. cōventionum in principio ff. de pac. l. 3. §. genera. ff. de acquiren. posses. & quæ diuersos habent tractatus diuersam quoq; habent substantiam l. 2. §. quartus C. de veteri. iur. enuclean. l. 2. ff. de milita. testamen. & à diuersis non fit illatio, sed diuersorum diuersum est iudicium, l. inter stipulantē §. sacram ff. de verb. oblig. Stephan. Grat. decis. 32. num. 8. & decis. 42. num. 10.

Prætereà causæ prædictæ connexæ non sunt, nec aliquo modo annexæ, nam connexa dicuntur quæ ad vnum finem tendunt, & quorum vnum sine altero

10

altero stare nō potest, vel vnū pendet ab altero; vt in necessarium antecedens, vel in necessariū consequens, vt optimè declarat *Menoch. de arbitr. lib. 2. centur. 2. casu 95. à num. 1.* vbi inquit quod cōnexum dicitur ex duobus compositum, & quod cōnectere nihil aliud est quam duo simul iungere & ligare.

Vel dicuntur connexa quādo sentētia lata aduersus vnū ex connexis præjudicat alteri, & parit exceptionē rei iudicatæ contra alterum ex connexis, vt optimè tradit *Fulvius Pacian. de proba. lib. 1. c. 26. de connexis, & separatis à n. 87.* vbi optimè declarat, quæ dicantur cōnexa: in quibus consideretur connexitas qualiter in connexis actiones, & iura communicentur, & in quibus causis sententia lata aduersus vnū ex cōnexis non præjudicet altero *Don Ioan. Fran. del Castillo decif. 31. lib. 1. n. 4.* vbi inquit, quod si vnum nō pendet ab alio, & sentētia lata super uno non parit exceptionē rei iudicatæ in alio non videtur capita connexa.

Hinc inquit *Lancel. de attenta. 2. par. cap. 12. limita. 2. num. 29. & 30. quod connexitas causarum quoad effectum*

attentatorum debet esse talis, vt sententia in vna causa seu capite lata pariat exceptionē rei iudicatæ in alia, & est doctrina *Bald. in cap. 1. circa fin. de cōtrouer. feud. apud Par. term.*

Sed huiusmodi causæ nō tendunt ad eundem finem, vt supra comprobatur fuit, nec vna pendet ab altera; & sententia ferenda in illa causa non præjudicat dictæ causæ supplicationis nec causæ per Excellētissimam partem hanc agitatæ. Igitur nō dicuntur causæ cōnexæ, nec vna dependens ab altera; licet in dictis causis agatur de eisdem bonis cum non agatur ad eundem finem, sed diuersum *glo. in leg. cum filius, §. 1. de verbor. oblig. Bald. in l. ampliorem in fine. C. de appella. Meno. de arbit. lib. 2. centur. 2. nu. 6. Bartol. in l. sepe nu. 5 ff. de re iudi.* dicuntur enim inter se diuersa illa quæ diuersitate factorum separationē recipiunt *Bart. & Bald. in l. 1. C. si unus ex plurib. appella.* & sunt illa quæ non habent in aliquo impedire negocium principale *Lancello. de attenta. 2. par. cap. 12. limita. 2. nu. 5. Alex. conf. 89. nu. 10. lib. 1.*

Nec connexitas aliqua cōsiderari potest ex eo quod Marchio Aytonæ incidenter per

mo-

modum exceptionis oppo-
suerit cōtra Almiratum, quod
prohibitio alienationis facta
per Nobilem Annam de Ca-
praria nullius momenti es-
set, nec aliquid ius tribuere
posset dicto Almirato cū bo-
na alienari prohibita essent
bona propria Don Bernardi
de Capraria senioris, & per il-
lum supposita fideicommissio
in cuius successione admitti
non poterat dictus Almiratus
tanquam illegitus, & quod
in causa vertenti ad relationē
magnifici Ludouici Besturs
principaliter per modū actio-
nis Excellentissima pars hæc
adiudicationem petat fidei-
commisi Don Bernardi de
Capraria senioris excluso Al-
mirato.

Quia cum hæc ad diuersum
finem tendant, & in vna causa
incidenter per modum excep-
tionis in altera vero causa
Excellen. Ducis & Ducissa de
Ixar principaliter per modū
actionis proposita sint nullam
cōnexitatem præseferūt præ-
sertim cum de dicta exceptio-
ne nulla ratio haberi possit.
Et solum ius dicendum sit su-
per validitate, aut inualidita-
te alienationis dictorum bo-
norum, & cum Marchio Ay-
tonæ possideat dictum Comi-

tatum & Vicecomitatus em-
ptionis titulo factæ à præces-
foribus dicti Almirati, non
licuit dicto Marchioni aduer-
sus Almiratum obijcere di-
ctam dominij exceptionē cū
ab illius præcessorib⁹ causam
habeat, quia obstauit illi ex-
ceptio doli, & habuit locum
dispositio *tex. in l. si inter, §. I.*
cū ibi notatis de pignoribus Bart.
in l. rem alienam num. 6. de con-
trahēda emptione, Statil. Pacifi-
cus de Saluiano interdicto inspe-
ctione 2. cap. 1. num. 47.

Et cum de dicta illegitimite-
tate per modum exceptionis
seu incidenter nulliter oppo-
situm fuerit in illa causa nihil
declarandum venit in illa su-
per dicta illegitimitate: sed
solum super validitate, aut in-
ualiditate alienationum: & sic
ex deduc̄tis in illa nulla con-
sideratur connexitas. Maximè
quia vltra quod in illa causa
exceptio illegitimatis inci-
denter fuit opposita, & non
fuit plenè discussa, fuit oppo-
sita ad diuersum finem, & di-
uersum effectum, & sic non in-
ducit connexitatem cum alia
causa in qua principaliter per
modum agendi ad diuersum
finem agitur de adiudicatione
fideicommissi dicti Don Ber-
nardii senioris, & exclusione

Almi-

Almirati à successione illius, nec sententia ferenda in illa causa præjudicat huic causæ, nec parit exceptionem rei iudicatæ contra eam *Rota Romana apud Aemil. Veral. decis. 93. lib. 3.* vbi fuit decisū quod quamvis reus opposuerit suas generales exceptiones, & succubuerit potest per viā agendi ius suum proponere, quia diuersum est ius & causa diuersa, *Magon. decis. Floren. 31. nu. 34.* vbi inquit quòd super exceptione incidēter dicussa in uno iudicio potest principiter iterū cognosci in alio iudicio variato modo, & fine agendi, nec in hoc casu obstat res iudicata, *Bald. in l. si autem in §. quomodocumq; ff. de nego- cijis gestis.*

Et vbi connexio aliqua cōsiderari posset, quod negatur illa esset diuidua, & separabilis modica, & remota, & non indiuidua, nec aliquatenus cōsiderabilis.

Connexio enim duplex est vna omnino indiuidua in qua habet locum regula quod in connexis idem est iudicium, atq; eadē determinatio, *l. sed si plures, §. filio nu. 4. ff. de vul- gari, & pupil. Surd. decis. 199. num. 13.*

Altera vero annexio est di-

uidua, & separabilis in qua non admittitur dicta regula, nec illa procedit nisi quatenus eadem sit ratio in utroque ex connexis, *glo. fin. in cap. præterea in fine extr. de offic. & po- testa. Iudicis delega. Bald. in l. eum actum, ff. de nego. gest. Ful- uius Pacianus de probatio. lib. I. cap. 26. nu. 28. & 17.*

At vbi diuersa ratio repe- ritur tunc dispositum in uno ad alterum nō extenditur *Bellamera in cap. præterea num. 7. extr. de offic. & potesta. Iudi. de lega. Fuluius Pacianus quem pro omnibus sufficit allegare de pro- ba. lib. I. cap. 26. num. 28.* Et tunc demum cōnexa gaudent priuilegijs connexorum quādo vnum venit ad determina- tionem alterius, at si principa- liter per se subsistunt tunc nō dicuntur per se connexa, sed diuersa *Pacian. de probat. lib. I. cap. 26. à nu. 96.*

Et quando connexitas est modica, & à remotis non est considerāda, nec habet locum regula quod connexorū idem sit iudicium *Fuluius Pacianus de proba. lib. I. cap. 26. num. 85. Craueta conf. 818. nu. 3. vol. 5.*

Nec procedit dicta regula connexorum in cōdemnatio- nibus in quibus sententia lata aduersus vnum ex connexis non

non præiudicat alteri ob diuersas rationes quæ possunt interuenire in condemnatione vnius & absolutione alterius quas optimè considerat *tex. in l. denunciaſſe, §. queritur, ff. ad l. Iuliam de adulte. & Fulius Pacianus de proba. lib. I. cap. 26. num. 87.*

Præterea causæ prædictæ connexæ non sunt ut vna dependeat ab altera, sed quælibet ex eis per se principaliter subsistit; nam ad hoc ut causa dicatur dependens necessariū est, ut tractetur incidenter pēdēte nēgocio principalis; nam si tractatur principaliter non dicitur dependens sicut causa dotis dicitur dependens à matrimonio sine quo stare non potest, nam proceditur in illa summarie quando de illa tractatur incidenter ad causam matrimonij, sed si principaliter de illa tractatur tunc ordinarie proceditur, nec de illa iudicatur tanquam de re dependenti, ut doctissimè tradit *Pacianus de proba. lib. I. cap. 26. num. 96.*

Cum ergo causa agitata per Almiratum sit diuersa ab ea quæ per hanc Excellentissimā partem Ducis & Ducissæ de Ixar agitatur contra Almiratum super diuerso iure, ac di-

uersis actionibus ad diuersum finem tendētibus sequitur dicendum quod non sunt causæ connexæ, nec vna dependet ab altera, nec in eis procedit regula connexorū, & sic quod licet pater magnifici Raymudi Rubi Aduocatus fuerit in illa causa per Almiratum agitata cum tamen illa nullam connexionem habeat cum ea causa, quæ per hanc Excellentissimā partem agitatur recusari nō potest uti suspectus in ea magnificus Raymundus Rubi eius filius per procuratorem Almirati.

Et quia causæ prædictæ nō sunt connexæ; sed diuersæ Excellentissima pars altera Almirati nihil de prætenſa connexitate opposuit ante denūciationem processus, nec actorum, & processuum cumulationē postulauit, sed passa fuit quod separatim in vtraq; causa concluderetur, & separatis processib⁹ procederetur. Igitur frustra opponit nunc de prætenſa causarum connexitate.

Denique dicitur quod Excellentissima pars hæc Ducis & Ducissæ de Ixar agit contra dictos Excellentissimos Almiratum, & Marchionem: & non potest obtinere contra vnum,

vnum, quin etiā obtineat contra aliū: ergo recusari non potest per Almiratum magnificus Raymundus Rubi in ea causa vti suspectus, licet pater illius Aduocatus fuerit dicti Marchionis in illa causa; cum patrocinium præstitum dicto Marchioni per patrem dicti magnifici Raymudi Rubi pro desse non possit, nec nocere huic Excellentissimæ parti in hac causa in qua Excellentissima pars hæc non solum agit contra Almiratum, sed etiam cōtra Marchionem; & sic nulla affectionis ratio magis con-

tra vnum quam cōtra alterum considerari potest ex parte dicti magnifici Raymundi Rubi ut tanquam suspectus recusari possit.

Ex quibus concluditur dictum magnificum Raymundū Rubi de Mar y Mon recusari non posse vti suspectum: & sic declarandum esse suspitiones propositas per procuratorem dicti Almirati contra dictum magnificum Raymundū Rubi non procedere, nec dictis suspicionibus locum esse, & ita iuris esse censeo salua censura Regij Senatus &c.

Rubi, I. V. D.